


三十三冊

卷之十一

文獻指掌一

林下筆記



林下筆記卷之十一

文獻指掌編目錄一

九

禮部朝拜

其寺朝拜


衙滿朝拜

三韓

禮

朝

扶餘



林下筆記卷之十一

文獻指掌編目錄一

九夷

檀君朝鮮

箕子朝鮮

衛滿朝鮮

三韓

濊

貊

扶餘

沃沮

四郡

高句麗

賜帝伐東

百濟

新羅

花郎

族骨

渤海

渤海王

高麗

宋朝假途

貢毛施布

加羅

耽羅

秦封

弓裔古鏡

後百濟

祭禮之異

高麗祭儀

俗祀

昏娶

國學

科舉

東人為中州科

中國科

東國年號

章服

衣制

烏羽送喪

祭問王妃像

樂器

歌曲

兵制

高麗祿俸

三市典

東豆

滿花席

松烟墨

楮紙

桶頭

長炕

兩手據地

和白

望族

守庚申

蒙首之制

清異錄

水晶城

宮殿攷

諸司攷

中州人題額

松扇

煖簾

官氏志

釋教始於東方

望德寺塔

靖國安和寺

木魚止兒啼

琉球國風土記

日本諸島

新羅阿羅相怨之始

日本諸學之始

朝天路

中國功德碑

平秀吉書

禦倭本末

倭人吟咏

八道沿革

遼東

四郡沿革

迎日

肅慎氏地沿革

高句麗地沿革

新羅地沿革

百濟地沿革

高麗地沿革

高麗西北界

本國疆域

曆象

天地之體

東西偏度

伍允孚

儀象

晨昏古鐘

節目

日食

人異

漢陽府除虎患

東京犬

列水

三韓之辨

五都督府

六小京

君子國

方言

甘文國

沙梁

首露王墓

高麗遷都

女真

東國郡縣數

道詵記

五國城

扶餘半月城

慶州月城

高麗城

白岳新宮

松京城門二十二

前朝宮殿

康安殿改號

社稷

宗廟不用牲

宗廟昭穆之次

影殿

庭配論

居喪



林下筆記卷之十一

月城李裕元景春輯

文獻指掌編

子曰殷因於夏禮所損益可知也周因於殷禮所損益可知也其損與益惟文獻是徵也我東方禮樂文物侔於中華肇自檀君立國迄聖上元年四千二百六十一年而文獻之著於世累千帙撮其要又累百卷雖引綬之長固不可汲其深也余居林下廬抄二十二代史以利墨彙成東國文獻指掌一部於虛

盛矣文在茲乎損益之源無愧前代而文明
備具猶有過之分十四編捲一千六百四十
九條蓋挈其綱而提其領也聖人明乎禘嘗
之禮郊祀之儀治天下猶示諸掌後之君子
若斟酌其間協贊聲明之治其或有補於世
道乎哉○文獻指掌一書以東國文獻備考
為大義又以東國通鑑東史會通麗史提綱
海東繹史為梅薤而博採三漢兩唐宋明諸
書及先儒之所論撰者若干語為和甘之資
足可為一時之考據也今編之際多有抄略

當考之原編

九夷

後漢書曰狄夷岬夷方夷黃夷白夷赤夷玄夷藍夷
陽夷風俗通曰一玄菟二樂浪三高麗四濊飭五鳧
夷六索家七東屠八倭人九天鄒通鑑前編曰岬夷
青州跨海而有東夷十一經問對曰孔子欲居九夷
何異孫曰箕子封朝鮮教民禮義與中州同君子居
之之一句指箕子也

檀君朝鮮

國在東表日出之地故曰朝鮮索隱曰朝音潮鮮音

山海經曰朝鮮在
對海註列水名

汕有汕水故名東史曰檀君天神檀日子名桓雄降
太白山檀木下曰名儉武丁八年丁未入九月山權陽邨
詩曰傳世不知幾歷年曾過千

即唐克戊辰

箕子朝鮮

司馬彪曰箕子名胥餘柳河東箕子碑註曰箕子名
須臾三韓紀曰周武王元年受封在位四十年成王
三十三年薨壽九十三四十一世孫準始稱王漢惠
元年南奔為馬韓王

率中國五十八朝鮮教民八条故曰半萬華人渡遼水

衛滿朝鮮

衛滿燕人盧綰亂亡命來都王儉城孝惠元年丁未

逐箕準為王都王儉城即平壤

三韓

魏書曰諸韓地皆在帶方郡而辰韓在帶方之辰方故名焉

日知錄曰韓有三種一曰馬韓有五十四國二曰辰韓有十二國三曰弁韓亦有十二國大國萬餘家小國數千家其俗好衣幘宋宗寧中鑄三韓通寶潛夫論曰周宣時有韓侯其國近燕後為衛湍所伐按詩曰王錫韓侯其追其猷抑韓侯指箕氏而言歟

濊

濊一作穢又名葉國今江陵府新羅南解王時溟州人耕田得濊王之印獻之

漢書武帝元朔元年濊君南閭等請內屬以其地為滄海郡魏齊王芳更封不耐侯

猶

猶作貉夏官職方氏掌九貉即九夷也漢武時彭吳
新羅善德王發牛首
穿藏猶朝鮮東史云牛首州有彭吳碑今春川也

扶餘

夫餘國今奉天府開原縣本非我邦域在玄菟北千
里本藏地王莽用玉匣後漢書曰索離王侍兒望氣
生男置於豚牢豕以口氣噓之徙於馬馬亦如之乃
收養名曰東明長而善射奔至南海瀉水以弓擊水
魚鱉聚浮遂得渡至夫餘而王以六畜名官有馬加
牛加狗加晉書曰太康六年為慕容廆所襲破其王

依慮自殺子依羅復國至孫王玄為慕容氏所并

沃沮

三國志東沃沮在高句麗蓋馬大山之東蓋馬縣名
山在平壤西今咸鏡道南北關

四郡

漢志曰樂浪距洛陽東北五千里昭帝始元元年
以平郡玄菟為平州都
督府以臨屯樂浪為
東部都督府班固序
曰真藩之利與燕共之

漢書武帝元封元年朝鮮降以其地為樂浪臨屯玄
菟真蕃四郡三國志曰魏嘉平元年曹爽誅徙夏侯
霸於樂浪霸淵之子也又六年中書令李豐光祿張
緝黃門監蘇鑠永寧令樂敷僕射劉賢謀誅司馬昭
皆夷族其餘親族徙樂浪李豐女名婉賈充前婦也

亦徙樂浪又曰漢中平六年襄平人公孫延避居玄菟其子度為郡吏時玄菟太守公孫域見而愛之後徐榮薨度為遼東太守東伐高句麗西擊烏桓自立為遼東侯

高句驪

扶餘俗以善射者謂朱蒙自稱高辛之後

為姓

驪以其系出句驪山下以姓冠於地名稱高句麗

句驪五族

後漢書曰國有五族消奴部絕奴部順奴部灌奴部桂婁部

煬帝伐東

嬰城王時

隋書煬帝率百十三萬三千八百人至薩水伐嬰陽
王元乙支文德禦之初九軍度遼三十五萬五千及
還惟二千七百人

百濟

漢成帝鴻嘉三年癸卯

隋書百濟之先夫餘東明之後有仇台者立國於帶
方公孫度以女妻之為東夷強國初以烏干等十人
從行弭十濟復以百姓樂從改稱百濟其民呼王為
難古支弭王妃為於陸

新羅

東史漢宣帝五鳳元年甲子赫居世立稱徐羅伐或稱徐
耶伐此後方言王京通謂之徐耶伐三國史新羅國
弼徐耶伐後人稱京都曰徐伐後轉為徐莞南鮮王
時改鷄林基臨王時改新羅其間或稱斯羅或稱斯
盧蓋方言以新為斯盧以國為羅羅也梁書云新羅
本辰韓種也其俗呼城曰健牟羅其邑在內曰咏訐
在外曰邑勒國有六咏訐五十二邑勒國名取日新
其德網羅四方之義也

花郎

真興王時

太平遺事羅俗擇貴人子弟傳粉粧飾之名曰花郎

擇其譽望而用之

族骨

新唐書新羅建官以親屬為上其族名第一骨第二骨以自別第一骨不娶第二骨女雖娶常為妾媵

渤海

舊唐書渤海靺鞨大祚榮者本高麗別種也高麗既滅祚榮徙居營州則天朝命李楷固討之王師大敗祚榮遂據東牟山自立為震國王子武藝斤大土守私改年曰仁安子欽茂徙東京渤海龍原府今鏡城也

渤海王

唐玄宗開元癸丑始立國渤海

松漠記聞云渤海國王以大為姓右姓高張楊寶烏
李部曲奴婢無姓者皆從其王婦人皆妬悍與他姓
相結為十姊妹幾察其夫不容側室男子多智謀驍
勇至有三人渤海當一席之語契丹阿保機滅其王
大誣謾徙其名帳千餘戶于燕

高麗

資治通鑑云後梁龍德二年大封王躬又性殘忍海
軍統帥王達殺之自稱高麗或云取山高水麗之義
有二京六府九節度百十二郡

宋朝假途

文獻通攷宋高宗建炎二年遣楊應忱於高麗請假
途以達燕雲按仁宗曰大國自有山東路何不由登州
應忱曰不如責國最徑宰臣言金人造舟將往二浙
若引使者至其國異時彼欲假途至浙何以荅之遂
不奉詔

貢毛施布

元史世祖十年平耽羅賊金通精立招討使歲貢毛
施布百疋

忠宣王祝髮

日下舊聞元仁宗皇慶二年麗忠宣王至大都帝下

王於刑部旣而祝髮置之石佛寺

加羅

南齊書加羅國三韓種也漢建元元年國王苻知遣使來獻東史作駕洛國駕者字之愛也洛者音之轉也建武十八年開國都於金海其弟五人各為五伽倻主

耽羅

丹府元龜云林邑南邊海小國魏書稱涉羅隋書稱弁羅又僊羅七羅俗朴陋衣犬豕皮夏居草屋冬居窟室地生五穀耕不知用牛以鐵齒耙土

泰封

資治通鑑唐昭宗天順二年高麗石窟寺沙僧躬入
據開州稱王國禘大封入貢于吳按王姓金名弓裔
新羅憲安王庶子也據松岳開國禘摩震移都鐵原
之楓川改國禘泰封建元武泰聖丹水德萬歲政開

弓裔古鏡

全唐詩後梁貞明三年有人賣古鏡有文曰三水中
四維下上帝降子於辰馬先採鷄後搏鴨己年中二
龍見一則藏身青木中一則見影黑金東文人宋含
弘辭之曰辰馬者辰韓馬韓也己年中二龍見青木

松也謂松岳都人以龍為名者之子孫可為君王黑
金鐵也指鐵圓謂今王初盛於此殆終滅於此乎先
採鷄後搏鴨者王侍中得國後先得鷄林後收鴨綠
之意也弓裔令物色求之東州勃瀾寺有鎮星塑像
如其狀

後百濟

甄萱尚州加恩縣人本姓李父阿慈介起家至將軍
萱改姓甄形貌雄壯志氣倜儻仕新羅為海防將見
女主淫昏遂劫掠州郡至完山立為王稱百濟即唐
昭宗光化三年後為其子神鉞所幽憂憤而死

祭禮之異

後漢書高句麗祠社稷以十月祭天大會名曰東盟
歲常用十月祭天夫餘臘月祭天隋書百濟立其始
祖仇台廟於國城歲四祀之宋史百濟以四仲之月
祭天及五帝之神後周書高麗有神廟二所一曰夫
餘神刻木作婦人之象一曰登高神云是其始祖夫
餘神之子并置官司蓋河伯與朱蒙云祖廟則在國
東門外王初襲位與三歲一大祭其餘分遣官月朔
春秋重午皆享祖禰

高麗祭儀

先王忌日禁屠殺斷肉膳百官上表陳慰避正殿素
禴斷中外音樂禁弋獵

俗祀

三國志馬韓五月下種訖祭神羣聚歌舞十月農功
畢亦如之名為祭天君高句麗國東有大穴十月大
會迎隧神祭之甕牖閑話高麗二月十五日燃燈祀
天神宋史東有穴常以十月望日祭歲神謂之八閏
齋王與妃嬪登樓張樂宴飲崧山神祠在王府之北
國人相傳祥符中契丹逼王城神乃以松數萬作人
語虜疑引去封其山六月致祭

昏娶

後漢書辰韓嫁娶以禮歲同姓不昏魏畧東沃沮女
十歲設約迎養婿家婦至成人更還家責錢復還婿
今俗民家預婦

國學

和漢三才圖會高句麗小歟林王立太學教子弟新
羅神文王立國學新唐書高麗人嚮側悉揖嚴屋步
高堂子弟未婚者誦經習射宋史高麗有國子監四
門學學者六千人貢士三等王城曰土貢郡邑曰鄉
貢他國人曰賓貢

科舉

前朝試官只有知貢舉同知貢舉二人而已預以文
臣有名望者為之是門視門生如子弟門生視恩門
如父母贅郎不許入內室為門生特許相見安文成
家豪富新恩三十人皆給貂毛衾亦各設萬縷銀盃
國朝雖罷知貢舉之制然猶有門生座主之名或設
酌看訪死則設奠祭之今者門生座主視如胡越可
以觀世變矣

東人為中州科

唐長慶元年新羅金雲卿咸通中金夷魚金可紀崔

致遠崔巨裕金文蔚李同景福崔承祐崔彥撫崔光
允朴仁範金渥渤海高元固烏炁度烏光贊沙丞贊
宋朝科附名榜尾高麗金行成康猷崔罕王彬金成
績康撫民權適趙奭金瑞康就正迨祐五年安震至
治元年崔濯恭定元年安韜元統元年李穀至正六
年安輔七年尹安之九年李仁復十三年李穡金升
彥九人而登皇明科者金濤一人

中國科

大明科舉之制初場試以七篇皆五經四書大義中
場試以論表判語末場試以五策應試之士每風箴

寸尋之餘不能聘其藻程文之可為矜式者縷什一
所以試錄文字多出於主司之手將以為學者程式
也嘉靖中禮部奏準令考官錄士子本文不必自作
後尚書夏言以為試錄文理純繆體裁龐雜使初學
之士爭效其式於是令改試官依舊例將士子試卷
重加裁正

東國年號

朝鮮史畧梁天監十二年新羅法興王建元元年大
同七年真興王開國元年後改曰大昌曰鴻濟唐貞
觀三年善德女主德曼仁平元年貞觀十九年真德

女主勝曼太和元年新唐書開元七年渤海大武藝
仁安元年開元二十六年大欽茂大興元年貞元二
年大華璵中興元年貞元十一年大嵩鄰正歷元年
元和四年大元瑜永德元年元和八年大信義朱雀
元年元和十二年大明志太始元年元和十三年大
仁秀建興元年太和四年大藝震咸和元年高麗史
梁貞明三年王建天授元年後周廣德元年光宗光
德元年而迨祥正豐二弭見玉海不知高麗何主

章服

魏書高句麗俗謁奢大兄頸着折風形挿鳥羽新唐

書百濟王大袞紫袍青錦袴素皮帶烏革履烏羅冠
飾以金鶻後周書百濟婦人衣以袍而袖微大在室
者編髮盤於首後垂一道為飾出嫁者乃分為兩道
焉新唐書高麗王服五米以白羅制冠革帶皆金釵
高麗圖經王服烏紗高帽窄袖細袍紫羅勒後周書
高麗丈夫衣同袖衫大口袴白韋帶黃革履其冠曰
骨蘇以紫羅為之飾以金銀朝服則紫丹緋綠青碧
以年序遷綠以上選才能賜之曝書亭集忠烈王四
年令境內皆服上國衣服開削輿服志蒙古俗削頂
至額方其形留髮謂之開削明史洪武三年賜王冕

服圭九寸冕青珠九旒青衣纁裳九章面龍山華虫
火宗彙在衣繡藻粉米黼黻在裳王妃冠飾以七翬
二鳳花鈿九樹金鈎釵佩綬青襪青舄永樂元年賜
王妃珠翠七翟冠霞帔金墜正統三年賜王遠遊冠
絳紗袍玉佩赤舄

衣制

恭隱時司天監于必興奏我國始于白頭終于智異
其勢水根木幹之地以黑為父母以青為身順土則
昌逆土則灾文武百官黑衣青笠僧服黑巾大冠女
服黑羅又於諸山栽松茂密凡器用鍮銅瓦器以順

風土王從之今皆襲其舊而但百官青笠不知自何
年改也中國人衣長袖口皆有其制嘉靖丙申議正
衣服長短其文曰大小人員表衣前則去地三寸後
剝去地二寸袖長過手復回到肘袖襠廣一尺袖口
七寸庶民表衣前則去地四寸後則去地三寸袖長
過手六寸袖襠廣八寸袖口五寸裏衣亦以此遞減
云云

鳥羽送喪

三國志辰韓以大鳥羽送死其意欲使死者飛揚

祭閭王妃像

東史麗明宗仁曆太后之喪金大定皇帝送完顏韋
賜祭韋問太后西像坐耶立耶對曰坐韋曰諸侯王
毋坐而天子使拜可乎必藏影幘乃入行事王陳諭
再三然後韋登堂再拜奠爵

樂器

三才圖會新羅神文王時東海中小山浮水上有一
竿竹命作笛吹則兵退病愈旱雨雨晴風定波平神
萬波息笛今亡毛西河集新羅以七月望日教六部
女子會績至八月望日課其工相與歌舞謂之嘉俳
隋書開皇初七部樂三曰高麗歌曲有芝酒舞曲有

歌之柶樂器有彈箏卧箏篴豎箏篴琵琶五絃笛箏
簫小箏箏桃皮箏箏腰鼓齊鼓擔鼓貝等十四種文
獻通攷高麗有蛇皮琵琶鳳首箏篴桃皮管高麗圖
經柶枝舞用二女童藏于蓮花之中花坼而見即今
蓮花臺也文獻備考傀儡李勣破高麗所送也元海
庵集黃昌郎八歲為王姓百濟舞劍於市王召入宮
令舞目刺殺之朝鮮志有玉箏長尺九寸海東龍所
獻

歌曲

公無渡河曲高麗津卒見投水者妻援箏篴作是曲

歸語其妻麗王麗王寫其聲作引般涉調薛仁貴破
百濟所進會蘇曲新羅女作五冠山曲高麗人居五
冠山事母至孝而作

兵制

麗史太祖討甄萱有支天補天佑天武天扞天等五
軍之稱三別抄初崔瑀憂國中多盜聚勇士夜巡目
名夜別抄及諸道盜起分遣別抄捕逐遂分為左右
別抄又以國人自蒙古進還者為一部稱三別抄至
元宗十一年罷之又有一班別抄意者寒士之無蔭
不文者充額為軍如越之君子軍也

高麗祿俸

高麗圖經國相歲給米四百二十石也致仕半
之尚書侍郎二百五十石鄉監郎官一百五十石南
班官四十五石諸軍衛事十九石內外見任受祿官
三千餘員

三市典

新唐書新羅市皆婦人貿販東史昭智王初開東市
典孝昭王置西南二市典俱設官以監之弗三市典

東豆

酉陽雜俎樂浪有挾鉏豆莢生橫斜如人挾鉏俗名

東豆

滿花席

元掖庭記順帝為英英起采芳館于瓊華島內設唐人滿花之席唐人高麗島名產滿花草性柔折屈不損光澤土人編之為席

松烟墨

輟耕錄高麗歲貢松烟墨唐末墨工奚超與其子廷珪自易水渡江居歙州南唐賜姓李氏廷珪之墨始集大成

楮紙

朝鮮賦注曰舊以朝鮮紙為繭造乃知以楮為之但
製造工耳

褊頭

三國志辰韓知蚕桑作練布束駕牛馬嫁娶以禮男
女有別兒生便以石壓其頭欲其褊今辰韓人皆褊
頭高麗圖經曰非也

長炕

舊唐書高麗土田瘠薄居處節儉然尚容止多詐偽
父子同川而浴共室而寢好圍棋投壺之戲食用蓬
豆簞簋罇俎罍洗頗有箕子之遺風所居必依山谷

以茅葺屋惟佛寺神廟及王宮官府乃用瓦其俗
貧窶者多冬月皆作長炕下燃溫火以取暖

兩手據地

後周書百濟人形長大衣服靜潔俗重騎射拜謁之
禮以兩手據地為敬

和白

新唐書新羅人事必與衆議禘和白一人異則罷食
用柳栝若銅瓦

望族

宋史高麗士人以族望相高俗不知醫自國王侯來

請醫始有通其術者男女自為夫婦者不禁堂上設
席升必脫履惟其拜無不答子拜父猶半答其禮

守庚申

和漢三才圖會元宗六年四月庚申太子邀宴安慶
公湯奏樂達曙國俗以道家說每至是日必會飲徹
夜不寐謂之守庚申

蒙首之制

高麗圖經男子中幘雖稍倣唐制婦人髻髻下垂尚
宛然髻首辮髮之態其出入亦給僕馬蓋亦公卿貴
人之妻也良羅蒙首王妃夫人以紅為飾亦無車輦

唐武德中宮人騎馬多黑羣籬而全身蔽障今麗俗
蒙首之制豈羣籬之遺歟

清異錄

霧曰迷空步障霜曰威屑露曰散水電曰冰子虹曰
氣母星曰屑金天河曰秋明大老

水晶城

梁四公記高句麗王宮內有水晶城天未曉而明如
晝城忽不見月侵蝕

宮殿攷

東史東明王建九梯宮琉璃王建涼谷籬宮今處水

姬雉姓陽原王築長安城安鶴宮百濟慰禮城宮又
有新宮南宮狗原宮臨流閣望海亭新羅始祖金城
宮始智王月城宮又瑤石永昌本彼善天月池青淵
屏村夫泉葛川弘峴善坪伊同等宮朝元講武臨海
崇禮瑞蘭平議同禮諸殿望恩鳴鶴月上倚風諸樓
天泉純石渠松等亭臨海仁化玄德武平遵禮等門
高麗圖經王城外門十二正東曰宣仁曰崇仁曰安
定東南曰長霸正南曰宣華曰會賓曰泰安西南曰
光德正西曰宣義曰後親正北曰北昌東北曰宣祺
西南隅王宮東北隅順天館為中國人使設也內城

十三門殿門十六昇平門即王宮正南門也

諸司攷

高麗圖經會慶殿在闔闔門內規模甚壯址高五丈餘又乾德殿長和殿元德殿萬齡殿長齡殿長慶重光宣政三殿延英閣臨川閣尚書省在承休門內列三位中為中書省左曰門下省右曰樞密院即國相治事之所禮賓省在乾德殿側八閤司在昇平門東御史臺在同德門內翰林院在乾德殿西尚乘局軍器監賓省閤門司大盈倉右倉皆在王宮內城官道之北則尚書戶部又其東曰考功曰工部曰大樂局

曰良驅局官道南則兵刑吏三司又東南即鑄錢所
將作監監門千牛金吾三衛在北門內大市京市二
司在南大街管絃坊弓箭司幟頭所占天臺皆在外
城之內

中州人題額

高麗外史黃州月波樓蘭隅朱之蕃所命扁定州迎
薰樓本名定遠圭峰董越改今名成川東明館侍郎
翁正春筆降仙樓翰林學士米萬鍾筆

松扇

鷄林志高麗松扇搨松皮柔者緝成文如機心亦染

紅間之蓋水柳皮也

煖簾

天祿識錄歐陽元詩十月都人供煖簾今高麗使手持貂扇以障面古制也

官氏志

新唐書高句麗官十二級曰大對盧曰鬱折曰太大使者曰帛衣頭大兄曰大使者曰大兄曰上位使者曰諸兄曰小使者曰過節曰先人曰古鄒大加後唐書百濟內臣佐平掌宣納事內頭佐平掌庫藏事內法佐平掌禮儀事衛士佐平掌宿衛兵事朝廷佐平

掌刑獄事兵官佐平掌在外兵馬事隋書新羅官十
七等一曰伊罰干伊伐次伊尺干伊尺次迎干迎次
破彌干波珍次大阿尺干大阿次阿尺干阿次乙吉
干一吉次沙咄干沙次及伏干級次大奈摩次奈
摩次大舍次小舍次吉士次大烏次小烏次造位鷄
林類事高麗官月六叅文班七百十員武班五百四
十員三京四府八牧防禦都一百一十八縣鎮三百
九十洲島三千七百皆設守令監官治民

釋教始於東方

三國志馬韓立蘇塗以浮屠而所行善惡有異此東

方釋教之兆也崔致遠智證碑曰當三國鼎峙之日
有百濟蘇塗之儀則釋教之東來已在西晉時也

望德寺塔

新羅國記望德寺為唐立兩塔高十三層忽震動開
合如欲傾倒者數日其年祿山亂

靖國安和寺

高麗圖經寺在松嶽紫霞洞太師蔡京書額中建無
量壽殿東曰宸翰門其後曰能仁殿二額太宗皇帝
所賜御書也

木魚止兒啼

湖瑤雜記宋神宗時麗王祈嗣於佛得一子晝夜啼
惟聞木魚聲則止尋散渡海得於武林鏡湖間僧來
見世子曰是吾師也師本輿夫也肩輿得金建剎湖
上遂為釋乃一年跛二年盲三年雷擊以死吾濡筆
題其臂曰佛無靈今視兒臂果有三字按此果異事
也族身不正故先歸於罪果託身乾淨故終有報應
之理是佛家脫殼法也

琉球國風土記

嘉靖壬寅濟州人朴孫等漂到琉球回還柳大容採
其語作記曰國都中有中山王宮構其上故曰琉球

國中山王每正月種水田四月穫五月又種八月穫
日氣暄煖冬月如本國八月牛馬常食青草凡樹木
舊葉未落新葉已生人居皆用板為樓不設炕房衣
無襦襖之制夏製蕉布以芭蕉縷為織者也男女之
冠皆編椰葉為之男冠如本國僧笠女冠如本國圓
筐子男有袴子女只以簞裙圍之二重男女皆推髻
男多長鬚女多艷色惟貴者着草履餘皆跣足無車
輜之屬家不畜犬野無豺狼狐狸雉鷓鴣鳶莽無水
芹釀酒不用麴不立學舍童稚就寺僧學書文其學
經書者皆入學於福州每歲元日及八月十五日祭

先正月初八日至十五日燃燈五月五日造船象龍
形為戲七月十五日家家燃燈男則服女服女則服
男服來往為戲冬至作豆粥人死則富者鑿石藏棺
貧者藏於石穴無碑碣之類云

日本諸島

薩摩與浙江相對馬島與朝鮮相對肥前與耽羅相
對

新羅阿羅相惡之始

和漢三才圖會漢河平年間任那國人阿羅斯使日
本倭皇以赤織絹給之及還新羅起兵奪其赤絹是

二國相惡之始也

日本諸學之始

和漢三才圖會漢成帝河平二年倭垂仁三年新羅
王子天日槍使日本陶人行基菩薩者從敬人作坏
埴日本書記晉太始七年倭應神二年百濟王遣辰
孫入日本為太子師始傳書籍儒風興焉和漢三才
圖會晉太康五年倭應神十五年百濟使王仁持千
字文來於是儒教始行物部茂卿曰先正有大功德
者王仁氏黃備氏管原氏惺窩氏四君子梁承聖元
年倭欽明十三年百濟聖明遣使獻釋迦像及幡蓋

經論蘇我馬子司馬達等皆崇佛道此佛院之始又
送五經博士醫博士曆博士日本記陳後主至德元
年倭敏達十二年百濟使日羅以諸葛亮兵法六十
四陣傳于聖德太子和漢三才圖會隋文帝仁壽元
年倭推古十年百濟僧觀勒貢天文地理曆本遁甲
方術書王陳習曆法高聰學天文及遁山者臣曰並
學方術隋大業六年推古十八年高麗雲徵來徵通
五經兼工丹青又知造紙墨及碾磑此造紙及碾磨
之始也大業八年百濟味摩之教樂於童部真野臣
弟子新漢齊文二人習傳其樂又是年百濟國來人

煩癩病其體醜而巧縣長橋造百八十橋往還道路
始通日本實記百濟河成來善西人物草木後工西
者咸取法焉推古時高麗沙門慧慈為太子師有大
功百工莫不以慧慈為祖師

朝天路

明史成化十七年築鳳凰城為朝鮮入貢之道東史
百濟新羅高句麗渤海諸國皆航海朝貢新羅則南
陽德勿島豐川椒島為往來之門戶高麗則發船於
禮成江以抵登州熙寧中欲遠契丹改途明州如萬
頃羣山亭海美安興亭仁川慶源亭皆為迎送之館

我太宗乙未皇明移都燕京取陸行光海辛酉遼瀋
路梗復從登州海路高麗圖經航海有三種險曰瘴
風連日怒神四方草辨曰黑風飄怒不時不分晝夜
曰海動徹底沸騰如烈火煮湯

中國功德碑

三國志魏正始中幽州刺史毋丘儉征高句麗紀功
不耐城今咸興府也舊唐書唐太宗駐蹕山碑貞觀
十九年破高延壽命侍郎許敬宗勒石紀功寰宇訪
碑錄唐顯慶五年蘇定方平百濟塔碑銘賀遂亮撰

權懷素書

平秀吉書

萬曆庚寅平秀吉答書曰雁書薰讀卷舒再三予當
于托胎之時慈母夢日輪入懷中相士曰日光所及
無不照監壯年必八表聞風四海蒙威依有此奇異
戰無不勝攻無不取撫育百姓憐愍孤獨故土貢萬
倍千古矣自本朝開闢以來朝廷盛事洛陽壯麗莫
如今日也夫人生于世已雖歷長生古來未滿百年
焉鬱鬱久居此乎不屑國家之隔山河之遠一超直
入大明國易吾朝風俗於四百餘州施帝都政化于
億萬斯年者在方寸中貴國先馳入朝有遠慮無近

憂者乎

禦倭本末

壬辰行長義智清正等入寇朝鮮七月皇明總兵祖承訓援朝鮮為倭所敗僅以身免八月皇明以宋應昌經畧備倭軍務兵部尚書石星議送沈惟敬宣諭倭營惟敬唱封貢議明史宋應昌以李如松為提督劉黃裳為贊畫楊元將中軍李如柏將左軍張世爵將右軍癸巳正月十八日薄平壤大捷斬倭數千級四月倭棄王京遁如松應昌入城七月倭從釜山移西生浦送回王子十二月台應昌如松還以顧養謙

代之帝命臨淮侯李宗誠同沈惟敬往日本王給金
印行長授都督僉事四月宗誠奔還丁酉正月清正
復渡海入竹島舊壘二月行長修葺釜山原住柵為
久留計三月邢玠為經畧楊鎬為經理麻貴劉縱副
之倭泊釜山戮朝鮮郡守安弼國沈惟敬出入釜山
玠檄楊元執之縛至貴營於是日本嚮導始絕七月
倭襲破元均于閑山島進泊南原猝時登城楊元出
西門遁去十二月麻貴等攻蔚山倭斬獲多倭奔釜
山楊鎬分兵圍之十日戊戌正月二日行長援兵大
至鎬大懼西奔六月楊鎬罷八月十八日秀吉死以

萬世德代鎬為經畧十一月倭棄蔚山遁清正發舟
先走官軍追擊大破之

倭人吟詠

朱寶聞送我使詩曰富山壁立宿雲收積雪玲瓏照
綺裘傳命卽今辭紫闕回轅更欲向青邱地開金谷
齊連榻月滿蓬萊共倚樓爛醉促軫撫商調七絃遍
動別離愁朝文淵詩曰使星遙指武昌城颶雨雄風
萬里生繫馬高樓清景地翩翩彩筆耀東瀛山縣孝
孺詠瓶梅詩曰赤水橋頭一樹梅却從瓶裏趁春開
分明認得東君意要照嘉賓夜宴杯

八道沿革

京畿漢北地周時箕子朝鮮漢時隸樂浪後公孫度
置帶方郡晉時入百濟唐時入新羅遼金為弓裔所
據入高麗為閔內道我太宗合漢南地為京畿京畿
漢南地周時韓地漢時入百濟百濟移都廣州狔河
南慰禮城唐時入新羅新羅末入弓裔尋入高麗為
楊廣道太宗朝割素沙以北隸京畿忠清道周時韓
地漢時入百濟宋元徽間百濟移都公州狔固麻城
又移扶餘狔居拔城唐時入新羅置熊州羅末為甄
萱所據入高麗為中原河南二道睿宗時合于楊廣

道明宗分為忠清道忠肅王時又合於楊廣道恭愍
王時復補忠清道全羅道周時韓地漢初為箕準所
據哀帝時其北界入百濟唐時入新羅置全武二州
羅末為甄萱所據都全州入高麗為江南海陽二道
後併為全羅道慶尚左道周時韓地漢時新羅都慶
州唐時新羅合右道地置尚良康三州高麗初合右
道為嶺南嶺東山南三道後併為慶尚道本朝分洛
東江東北為左道尋合為一道慶尚右道漢時併韓
十二國地其統王都金海府祔狗邪亦曰伽倻梁陳
時入新羅入高麗為慶尚道本朝分洛東江西南為

右道尋合為一江原道嶺東周時濊地都江陵漢置
滄海郡後入新羅置溟州小京入高麗為江陵道或
稱朔方道麗末合於交州道本朝合嶺東西為江原
道江原道嶺西周時貊地都春川漢時隸滄海晉時
入新羅置朔州後為弓裔所據都鐵原入高麗為交
州道黃海道周時箕子朝鮮漢時衛湍地後隸樂浪
後公孫度割南界置帶方郡晉時樂浪入句麗帶方
入百濟唐時入新羅隸漢州後為弓裔所據入高麗
初隸開內道後分為西海道本朝初為豐海道尋改
黃海道平安道周時箕子朝鮮都平壤漢時涇江以

北屬漢遼東以南屬衛滿晉時句麗移都平壤唐時
涇江以北入渤海以南入新羅隸漢州高麗置西京
為涇西道後改稱北界今雲山以北沒於女真麗末
陷於元置東寧府後還高麗為西北面本朝盡拓鴨
江內地為平安道咸鏡道開南周時東沃沮地咸興
以南濊地漢時以沃沮地為玄菟郡濊地隸臨屯後
并隸樂浪尋入句麗唐時隸安東府尋入渤海置南
京南海府德源以南入新羅隸溟州高麗初定平以
南隸朔方道以北入女真旌曷懶甸金時定平以北
隸金谷懶路揔管府元時置合蘭府於咸興置復城

府於永興北元末吉州以南盡入高麗稱朔方道我
太宗朝合南北關為永吉道尋改咸吉道又改永安
道後改咸鏡道咸鏡道三甲地周時高句麗地漢時
置西蓋馬縣隸玄菟郡光武時入句麗為卒本界唐
時隸安東府尋入渤海隸寧賓府遼時入女真金時
置恤品路亦曰速頻元時入女真元末入高麗置甲
州本朝置甲山三水二府咸鏡道關北地周時北沃
沮地亦稱置潁婁漢時隸玄菟郡後隸樂浪尋入句
麗稱柸城唐時隸安東府尋入渤海置東京龍原州
遼時女真部落金時隸胡里改路元時置胡里改桃

溫等萬戶府隸合蘭部後為女真斡朵里部
落本朝盡拓豆滿江以內地六鎮

遼東

周時箕子朝鮮地漢時置遼東郡又置真蕃郡元帝時
匈奴始祖朱蒙自夫餘來都陟曰卒本亦曰紇升骨
城晉時入匈奴唐時隸安東府唐末入契丹遼時為
東京道金時為東京咸平等道元時置遼陽瀋陽等
路明洪武四年置定遼都護府清奉天府將軍所轄

四郡沿革

真蕃郡本白麗地漢元封三年置去長安七千六百四十里十五縣南與朝鮮東與沃沮北與夫餘接後併於玄菟今興京東南婆豬江左右之地玄菟郡本沃沮地今北青等地領三縣戶四萬五千口二十二萬一千八百四十五距洛陽四千里臨屯郡元封三年以濊地置郡郡之琿縣今江陵去長安六千一百三十八里領十五縣昭帝時併於樂浪樂浪郡本朝鮮地領縣二十五戶六萬二千八百口四十萬六千八百按朝鮮縣今平壤渭水縣今寧遠府渭水卽大同江也含資縣在帶水上帶水卽臨津江今漣川麻

田等地黏蟬縣在列水入海處而列水即漢水今交
河等地遂城在平壤南境增地縣今江西龍岡龜山
等地帶方縣今長湍豐德等地列口縣今江華府江
華舊神穴口蓋列口之謠也昭明縣今春川府鎭方
縣當在樂浪郡之東吞列縣今旌善郡長岑也有提
奚海冥四縣屬帶方郡則今臨津左右或其地也東
曉不而奎台華麗邪頭昧前莫夫租比所謂嶺東七
縣後併於新羅樂浪薩水今安州清川江是也

迎日縣名

日本大內殿以其先世出我國向慕之新羅阿達王

四年東海濱有人夫曰迎烏妻曰細烏迎烏採藻海濱漂至日本小島為王細烏至其國立為妃是時新羅日月無光日者奏曰迎烏細烏日月之精今去日本故有斯怪王遣使求二人迎烏曰我到北天也乃以細烏所織絹付送使者以此祭天可矣遂名祭天所曰迎日仍置縣

肅慎氏地沿革

今白頭山北烏喇寧古塔等地在漢曰挹婁在元魏曰勿吉唐曰靺鞨後為渤海大氏之地

高句麗地沿革

漢建昭二年朱蒙建國於卒本川今廢閭延郡屬江
地也其後疆土漸大東盡滄海西接遼東南至清川
江北接夫餘曹魏時失西北界移都平壤有五部一
百七十六城東西三千一百里南北二千里

新羅地沿革

新羅四至東盡海西南抵洛東江北至鷄竹二嶺唐
中宗時并百濟及白靺南界分置九州三面盡海北
限大同江小京六郡一百二十縣二百九十八阿達
王三年開鷄立嶺在今聞慶北俗稱麻骨山五年開
竹嶺在今豐基北真興王十六年幸北漢山拓定封

一角山僧伽寺北峯上有真興王巡狩碑碑凡
十二行第一行有曰真興大王及衆臣等巡狩時記
餘滅泐不可辨其東北界至咸興黃草嶺真興王巡
狩碑在咸興府北草坊院碑文畧曰歲次戊子秋八
月巡狩管境訪采民心碑十二行為四百二十字而
可辨者董二百七十八字

百濟地沿革

百濟本馬韓屬國漢成帝鴻嘉三年溫祚立國於漢
水之北後十四年遷都于漢南今廣州東西四百五
十里南北九百里宋元徽間為白靺靨破移都公州

漢建昭二年朱蒙建國於卒本川今廢閭延郡屬江
地也其後疆土漸大東盡滄海西接遼東南至清川
江北接夫餘曹魏時失西北界移都平壤有五部一
百七十六城東西三千一百里南北二千里

新羅地沿革

新羅四至東盡海西南抵洛東江北至鷄竹二嶺唐
中宗時并百濟及白靺南界分置九州三面盡海北
限大同江小京六郡一百二十縣二百九十八阿達
王三年開鷄立嶺在今聞慶北俗稱麻骨山五年開
今豐基北真興王十六年幸北漢山拓定封

疆今三角山僧伽寺北峯上有真興王巡狩碑碑凡
十二行第一行有曰真興大王及衆臣等巡狩時記
餘滅泐不可辨其東北界至咸興黃草嶺真興王巡
狩碑在咸興府北草坊院碑文畧曰歲次戊子秋八
月巡狩管境訪采民心碑十二行為四百二十字而
可辨者並二百七十八字

百濟地沿革

百濟本馬韓屬國漢成帝鴻嘉三年溫祚立國於漢
水之北後十四年遷都于漢南今廣州東西四百五
十里南北九百里宋元徽間為白靺靨破移都公州

王孫

疆今三角山僧伽寺北峯上有真興王巡狩碑凡
十二行第一行有曰真興大王及衆臣等巡狩時記
餘滅泐不可辨其東北界至咸興黃草嶺真興王巡
狩碑在咸興府北草坊院碑文畧曰歲次戊子秋八
月巡狩管境訪采民心碑十二行為四百二十字而
可辨者莖二百七十八字

百濟地沿革

百濟本馬韓屬國漢成帝鴻嘉三年溫祚立國於漢
水之北後十四年遷都于漢南今廣州東西四百五
十里南北九百里宋元徽間為白麗所破移都公州

梁武帝三十七年移都扶餘

高麗地沿革

麗初疆域三面阻海北以定平都連浦為界西北以清川江為界後以鴨水為界南北一千五百里東西二千里麗史成宗分十道一曰開內領楊州廣州黃州海州二曰中原領清州忠州三曰河南領公州運州四曰江南領全州瀛州淳州馬州五曰嶺南領尚州六曰嶺東領慶州金州七曰山南領晉州八曰海陽領羅州光州靜州昇州見州潭州胡州九曰朔方領春州交州和州溟州登州十曰溟西領西京所管

顯宗定為五道西界曰楊廣曰慶尚曰全羅曰交州
曰西海曰東界北界京西牧八府十五郡一百二十
九縣三百三十五鎮二十九咸興以北端川吉州等
地隸金合懶路三水府西北隸金恤品路會寧以北
隸金胡里改路睿宗攻取合懶甸等咸吉等九城後
數年復歸于金金亡并為元有置合懶蘭府於咸興
置瓊城提管於永興其後尹瓘拓都連浦以北九城
柳仁雨復以南八州麗末始收甲山三水等地磨天
嶺以北六鎮等處猶為女真所據

高麗西北界

麗初西北以今安州清川江為界以外女真地也麗
史定宗二年城德昌鎮今博川城德成鎮今寧邊光
宗元年城滅化鎮今雲山三年城安朔鎮併寧邊二
十年城泰州今泰川二十四年城嘉州今嘉山成宗
時逐女真置龜耶等六州雲山之北猶為女真所據
德宗二年築長城命柳韶起自西海濱鴨江入海處
東抵今永興府傳于海延袤千里以石為城高厚各
二十五尺禦女真金史仁宗四年金初取保州改稱
義州始以鴨江為界恭愍王時逐熙川以北女真始
收今江界碧潼等地

本國疆域

本朝疆域三面阻海北以豆滿鴨綠江為界幅員之
廣爰出前代自王城至京師三千五百里南京四千
里大清一統志朝鮮在盛京東一千八百里其貢道
自鳳凰城至燕京三千九十六里自鴨江至鳳凰城
一百二十里自土門江至寧古塔六百里

曆象

新羅文武王時大奈麻德福入唐傳曆法李淳風麟
德曆高麗太祖用宣明曆自上元甲子至長慶二年
壬寅積七百七萬一百三十八算文宗時金成澤換

十精曆李仁顯換七曜曆韓為行換見行曆梁元帝
換道甲曆金正換太一曆恭愍王時明太祖頒大統
曆

天地之體

李天經曰或曰地與海之圓亦各自為圓形未必并
為一球曰合地與海為一圓形即因月食之闇虛恒
為圓而知射景之體原不離乎圓也蓋天地與水共
有向萬物中心之性必以其體相趨而就矣

東西偏度

本國偏燕京東一十度三十分以燕京子午線為中

視各省東西偏度而加減節氣時刻每偏一度得時之四分偏東者加偏西者減我國偏東十度三十分則加四十二分

伍允孚

忠烈王時伍允孚世為太史局精於占候一夕有星犯天樽曰當有飲者奉使來他日有星犯女牀曰當有使者來選童女果皆驗

儀象

新羅善德主作瞻星臺高十九尺在慶州府東南三里孝昭王時僧道證自唐迴上天文圖聖德王時始

造漏刻

晨昏古鐘

新羅恭惠王鑄大鍾重十二萬斤殷聞百里金甌奚
作銘畧曰震威揚谷清韻朔峯圓空神體方現聖蹤
今在慶州府高麗忠穆王鑄大鍾今在開城府李穀
曰至正間元使辛裔鑄鍾于金剛山及成王以本國
大鍾久廢願更鑄遂懸于演福寺

日食

新羅始祖四年四月辛丑朔至高麗恭讓王三年三
月戊子朔日食為一百九十八次

人異

檀君化生東扶餘王金蛙卵生高句麗始祖朱蒙卵
生新羅始祖赫居世卵生妃閼英井生解脫王卵生
金闕智鷄積生駕洛王金首露卵生耽羅高夫梁三
姓湧出甄萱甥生崔氏園瓜生曹繼龍湧池文多省
石函出奉佐仁石函出金文亮子金簡出平康蔡氏
化生新羅漢祗部女一產四男一女

漢陽府除疔患

漢陽判官姜邯贊帖紙屬吏曰招北洞張石老僧果
招至僧叩頭而已邯贊約以五日令率醜徒去明日

大帛穿小帛而去

東京犬

地理志東京地形有頭無尾犬之生於此地者多無尾故俗諺因以無尾犬謂之東京犬

列水

漢江之外無八百里大水恐漢江為列水漢江之源一出太白一出五臺山西南與龍津合為漢江所謂吞列縣恐亦不出乎此等地而列口亦疑在漢江咽喉之地也

三韓之辨

崔致遠曰馬韓則高麗卞韓則百濟辰韓則新羅權
近曰馬韓為百濟卞韓為高句麗辰韓亦非在卞馬
之間二說互有不同矣

五都督府

唐高宗顯慶五年置五都督府熊津都督府今公州
馬韓都督府今益山東明都督府金遼都督府德安
都督府并未詳

六小京

中原今忠州西原今清州北原今原州南原金海溟
州今江陵

君子國

山海經曰海東有君子國衣冠帶劍好讓不爭有槿
花草朝生夕死又古今記曰君子國地方千里多木
槿花唐玄宗謂新羅神為君子國且高麗時表詞稱
國為槿花鄉

方言

新羅方言坪謂之伐火謂之弗褒伐為火有國曰音
汴伐二音相似故也

甘文國

開寧縣北二十里有大塚世傳甘文金孝王陵西曰

韓夫人塚東院傍有國基東史所云大發兵三十人者此也

沙梁

尚州東十里有屏風山有沙梁伐國故基

首露王墓

宣廟壬辰倭寇發其墓棺中斂以金玉頭骨大如銅盆棺外有二美人顏色如生出置瘞中見日即消蓋當時殉葬者也

高麗遷都

西京今平壤南京今京都東京今慶州江都今江華

重興殿今白川三蘇宮右蘇豐德白馬山左蘇長湍
白嶽北蘇今新溪箕達山南京以時巡住取三角山
中心脉建宮金渭碑引道說記也辛禍遷都一年還
開京恭讓復遷南京翌年還開京

女真

鏡城府為女真所據高麗睿宗時尹瓘逐而城之又
按平安咸鏡二道自高句麗亡後為渤海女真之據
弓裔所得只湏西十二鎮而已

東國郡縣數

新羅郡縣共四百十五高句麗州郡縣共百六十四

百濟部五統郡三十七城二百高麗京四牧八府十五郡一百二十九縣三百三十五鎮二十九分十道就十二州各置節度使

道說記

高麗地有三京松嶽為中京木覓為南京平壤為西京

五國城

古記曰五國城有二一云在江界代等堡江越邊有方城形址一云在會寧甫乙下堡西豆滿江南古城形址是也宋史金人徙二帝於均州五國城城在白

頭山南接均州今會寧府世傳堡西有大塚稱皇帝塚又有纍纍小塚稱侍臣塚今於古城近處得金銀器乃禁中物又得古錢乃欽宗以前年號也

扶餘半月城

半月城在扶餘抱扶蘇山而築兩頭抵白馬江形如半月

慶州月城

新羅城在金城慶州府東四里形如半月名月城

高麗城

高麗都城顯宗時請城京都用丁夫三十萬四千四

百王可道令人持斧環立登高而進退之均其濶狹以定城基凡二十一年而功畢周二萬九千七百步高二十七尺厚十二尺自即位初起役至己未始成恭愍王七年以修葺京城訪耆舊大臣致仕李齊賢曰我太祖東征西討統三為一用瘡痍之民起土木之役所不忍也故不城松京非不為也勢不可也契丹耀躒京邑燒毀宮室若有城郭之固未必若此城郭之當修無智愚皆知之矣

白岳新宮

恭愍王九年欲遷都南京遣前漢陽尹李安修城闕

而卜于太廟不吉不果遷又營長湍白岳新宮人謂
新京按廉使金先致啓曰今壞南京宮室移營白岳
恐百姓缺望王命勿壞

松京城門二十二

崇仁宣旗保定光德德山會賓仙溪泰安弘仁乾德
保泰宣義後魏永平仙巖慈安彰信迎陽安和成道
會昌安定

前朝宮殿

天泉亭昭智王正月十五日有烏含書射琴匣之處
瑤石宮太宗宗室寡婦與僧元曉宿生于薛聰處城

南離宮景哀王遭竄萱兵處倚風樓有三藏法師所
書扁額天尊庫藏萬波息笛九梯宮東明王昇天處
天政臺在扶餘十里諺傳百濟時欲拜宰相則書當
選者名函封置巖上君臣俱抱笏列伏于北崖沙際
少頃取看名上有印蹟者拜之并韓國人作屋橫累
木為之有似牢獄布政殿在鐵原弓裔所創高麗太
祖即位于此二年移都松岳以崔彥撝任宮院額師
撰定正慶宮正殿曰乾德正門曰東華西華今稱本
大闕館北宮毅宗飾以金玉窮極奢麗昌樂宮明宗
為崔忠獻所逼幽于此景靈殿奉安祖宗時容八角

殿在恭愍園中寶文閣睿宗令學士誦會之所天章閣藏宋帝所賜詔書及御筆書西滿月臺在近慶宮楊州新宮文宗初陞為南京又肅宗四年建西京太華閣仁宗建白川重興殿毅宗建江都宮高宗初豐德宮曰昇天府高宗建摩尼山離宮高宗建

康安殿改神

明宗十年重營康安殿門額舊曰嚮福武臣以為音近降福文臣欲以此壓武官而降服之也請改額以永禧武臣曰永字之意吉玄未可知請以重房之重字從之麗景門成諸將奏高麗宜準向成門詔可麗

景在東向成在西慮東高於西文勝武故有是議

社稷

新羅宣德王四年初立社稷壇高句麗故國壤王九年立國社高麗成宗十年初立社稷教曰予聞社土地之主也地廣不可盡敬故封土為社以報功也稷五穀之長穀多不可遍祭故立稷神以祭之禮曰王為羣姓立社曰大社自為立社曰王社諸侯為百姓立社曰國社自為立社曰侯社自聖朝至累朝未置夏松之社尚虧周粟之社朕續承以來凡所施為必依禮典子穆父昭之室髣髴經營春祈秋報之壇方

將創立其令羣公擇地置壇

宗廟不用牲

高麗忠穆王三年六月叅理安子由攝祭于太廟而不殺牲監察司論之王原之史臣金仲鏘曰梁武惑浮屠果報之說宗廟之享以麵代牲卒致臺城餓殍子由奉君命祭于太室擅不血薦其罪當誅王乃以姑息之仁不聽憲司之請其享年不永宜矣

宗廟昭穆之次

恭愍王六年命定昭穆之次序齊賢上議曰宗廟之制父昭子穆百世不廢春秋傳文昭武穆尚書穆考

昭考是其證也其兄弟共代者春秋公羊傳以為昭穆同班大宋祫享位次圖太祖與太宗哲宗與徽宗欽宗與高宗各位一世是則兄弟同班之法也自江都去水而陸倉卒所置其制一堂五室而二十二陵神主一行而列且於五室略依東漢以來同堂異室之制其二十二神主一一各為一房而別之太祖惠宗顯宗在太廟不遷則太祖之昭定光戴安於此無先之者居中室而以西為上光宗之穆景宗戴宗之穆成宗為從兄弟居西第一室之第一第二房成宗之昭穆宗顯宗之昭德靖文居東第一室之第一第

二第三第四房亦從兄弟也文宗之穆順宣肅居西
第一室之第三第四第五房宣宗之昭獻宗肅宗之
昭睿宗為從兄弟居東第五第六房睿宗之穆仁宗
居西第六房仁宗之昭毅明神居東第七第八第九
房神宗之穆熙宗明宗之穆康宗亦為從兄弟高宗
居東第十房合於左昭右穆兄弟同班之義若夫五
室拓而廣之昭穆釐而正之則乞下中書令禮官博
士博議詳定又私議曰王制曰天子七廟三昭三穆
與太祖之廟而五祭法曰王立七廟一壇一墠諸侯
立五廟一壇一墠漢韋玄成等以為周之所以七廟

者以后稷始封文武始受命為主是以二廟不毀與
親廟而七也劉歆以為七者其正數可常數者也宗
室也不在數中苟有功德宗之不可預為定數殷有
三宗周公舉之以勸成王由是言之宗無數也如韋
氏說七廟惟周制而已商書伊尹曰七世之廟可以
觀德七廟之制其法舊矣班固以劉說為是者此也
其昭穆之不易梅庵夫子以左氏太王之昭王季之
穆文之昭武之穆及顏師古父為昭子為穆孫復為
昭者反復論之今按鄭玄曰遷廟之主以昭穆合藏
於二祧之中亦謂昭穆各以其序藏於二祧也其曰

合藏云者謂衆昭合藏於左祧衆穆合藏於右祧也
非謂昭穆皆合藏於右祧而遷於左祧然後之壇之
燁而之鬼也孔穎達曰禮三年喪畢遠祖遯遷新主
入廟計昭穆之次昭次入昭廟穆次入穆廟此其說
明甚又無可疑者也閔黜軒漬乃謂昭當遷為穆穆
當為昭至著論以譏朱子今考其世代編年之書又
謂昭穆萬世不易何其說自相矛盾如此兄弟相代
者公羊以為昭穆同班孔穎達曰兄弟相代即異昭
穆則設令兄弟四人俱立祖父之廟即以從毀故知
其理必不然公羊子但言其同班耳孔氏并其世數

而論之惜乎有未盡也若兄弟五人俱立將毀其一
耶與未毀者其親同耳將不毀歟昭若穆為四廟矣
是則兄弟之為同班宜也但五人俱立則為五世其
以同班不議迭毀乎愚意兄終弟及者視親廟其義
固有降殺親廟以七世五世迭毀安知兄弟不以三
世毀也然不可以臆料斷我國先君兄弟相代者太
祖之子惠定光顯王之子德靖文文王之子順宣肅
仁王之子毅明神是也然軒於此又如何定奪

影殿

景影殿在開城府奉安祖宗晦容正朝端午秋夕重

九親奠惠明殿敬孝王影殿孝慎殿奉安三韓國大
公真

庭配論

李齊賢曰世言大臣嘗經竄謫及為有司効免不得
配享宗廟此無稽之言也夫配享宗廟者要皆有功
於國有德於民假使觸時君喜怒以見竄謫臨事錯
誤而遭効免將廢而不祀之乎抑有媿合苟容全身
保立而無功德可記者將舉而祀之乎考之國史度
黔弼嘗流於鵠島而從祀於太祖尹瓘見効於九城
之役而與享於睿廟可見此言之為無稽也

居喪

新羅王喪居服一年高麗葬不滿三十日二十七日
公除釋服外方三日釋服安鼎福曰麗朝喪制用以
日易月之制二十七日而除服神宗之喪減為四十
日制至此又為易月三日之服而高宗元宗忠烈王
皆遵而行之噫當時臣于其無三年之愛於其父母
而莫之改定耶忠肅王十二年乙丑忠宣以上王薨
於燕邱鷄林府院君王煦密直副使李陵幹等奉樟
宮至百官玄冠素服郊迎殯于淑妃宮煦衰麻三年
朔望私奠陵下終身

卷之四

一、
二、
三、
四、
五、
六、
七、
八、
九、
十、
十一、
十二、
十三、
十四、
十五、
十六、
十七、
十八、
十九、
二十、
二十一、
二十二、
二十三、
二十四、
二十五、
二十六、
二十七、
二十八、
二十九、
三十、
三十一、
三十二、
三十三、
三十四、
三十五、
三十六、
三十七、
三十八、
三十九、
四十、
四十一、
四十二、
四十三、
四十四、
四十五、
四十六、
四十七、
四十八、
四十九、
五十、
五十一、
五十二、
五十三、
五十四、
五十五、
五十六、
五十七、
五十八、
五十九、
六十、
六十一、
六十二、
六十三、
六十四、
六十五、
六十六、
六十七、
六十八、
六十九、
七十、
七十一、
七十二、
七十三、
七十四、
七十五、
七十六、
七十七、
七十八、
七十九、
八十、
八十一、
八十二、
八十三、
八十四、
八十五、
八十六、
八十七、
八十八、
八十九、
九十、
九十一、
九十二、
九十三、
九十四、
九十五、
九十六、
九十七、
九十八、
九十九、
一百、

